

** Praim Minista, Michael Somare, i givim tok long olgeta arapela kantri insait long Yunaitet Nesens. Aninit: long 22 Septemba, olgeta memba bilong Sekyuriti Kaunsil i yesa long PNG kamap memba.*



Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

NOGUT SOTIM REDIO TAIM

Dia Edita.- Plis larim mi raitim dispela toktok bilong mi i go long Mista Somare.

Mi bin harim ol tok ya ol i bin senisim ol program bilong ol redio stesin na long tingting bilong mi i no gutpela. Long wanem eksampel long redio maus bilong solwara antap ol i bin mekim impruvmen long program bilong ol, na nau, ol redio lisines bai i no inap enjoim ol program long wanem taim i sot. Na long sampela samting o program bai ol tokman bilong redio stesin bai lusim long wanem nogat inap taim.

Ating em tasol, tenkyu edita.

Mi Waliva B. Lontokai
Vuvu Haiskul/Rabaul.

REDIO STESIN MAS

GIVIM SAVE

Dia Edita.- Mi askim dispela tok long olgeta man long Papua Niugini. Askim bilong mi olsem sampela redio stesin save toktok long sampe-la samting olsem bisnis na toktok save. Na tu long gutpela tok long developim kantri bilong Papua Niugini.

Tasol sampela redio olgeta taim save pilai gita song tasol. Ol i no toktok liklik long wanpela gutpela samting bilong kirapim ples bilong ol.

Bipo ol tumbuna bilong yumi ol i no save long dispela samting. Nau tasol yu save. Mi

lukim dispela na mi sem liklik. Redio Stesin i no bilong wok nating. Wok bilong em long wok-im wok bilong kantri na provins bilong yumi. M.K. Maino Mottoa,
Boroko/Port Moresby.



BAIM MERI SIMBU

Dia Edita.- Mi laik bekim pas bilong wantok ya, Dekemba Awi, bilong Hoskins W.N.B.D. Em i tok, ol man bilong Simbu ol i kostim tumas long baim meri Simbu. Em i tru tasol, mipela ol man bilong Simbu i no gat arapela bisnis. Nogat. Meri em i olsem wanpela bisnis bilong mipela. Na mipela i no inap long daunim pe bilong meri.

Yu man bilong wanem hap yu kam maritim meri Simbu, mipela i kostim yu long K2,000 o K3,000 bambai yu inap long peim. Bikos em i bisnis bilong mipela, mipela i kostim long en yu ken baim. Na yu man bilong wanem hap, yu kam long Simbu, bambai yu inap long seksek long meri

Simbu.

Bikos ol i smatpela meri. Em meri Simbu ya man, katim kona tru ya. Husat man yu wari long dispela tok bilong mi, rait tasol i go long Wantok Niuspepa na mi ken lukim.

A.T. Dominic Andan
Kerowagi/Simbu.

SEM LONG YU PUTIM SIOT BILONG OL MAN

Dia Edita.- Nau mi laik autim liklik wari bilong mi i go long ol meri long harim. Mi save lukim planti ol meri i save putim ol siot bilong ol man.

Mi bin sindaun long sia long pes bilong haus bilong mi na lukim wanpela meri em i putim wanpela longpela han siot bilong ol man na tait i kam long rot.

Na taim em putim dispela siot na kam em i no luk olsem meri em i luk olsem wanpela tewel bilong bus. Em i wanpela haiskul meri tu olsem na em i ting em i moa yet long olgeta man na em i putim dispela siot na wokabaut long rot.

Na tu mi save lukim ol sampela meri tu ol i save putim ol singlet bilong ol brata bilong ol em tu i no stret long mi. Yupela i no ken ting yupela i moa yet long olgeta man, yupela ting yupela i smat a?

Yupela luk olsem ol tambaran o tewel bilong bus stret. Em tasol sapos yu husat meri i laik bekim pas bilong mi, rait tasol i go long wantok na bai mi ken ritim.

Paul Kinu,
Pitavi.

LUKAUT LIDA

Dia Edita.- Hia mi gat arapela wari. Em i go olsem. Bilong wanem gavman i no save autim liklik stori bilong komunis gavman i go long ol pipel.

Komunis em i wanem kain gavman? Mi ting em i gavman nogut ol i no laikim lotu na nem bilong God na Krai tu.

Tasol mi harim long redio sampela minista i gris wantaim komunis kantri o gavman, na mi pret. Long wanem, nau mipela i independens na i no longtaim, bai ol minista i pulim ol komunis na bagarapim yangpela kantri bilong yumi.

Mipela long Papua Niugini i bilip long gut nius na long Krai. Olsem na ol minista i mas tingting gut ol i mas i gat bilip kristen long haus na wok wantaim helpim bilong Holi Spirit.

Mi S.P.,
Saidor/Madang.

TENKYU NES

Dia Edita.- Mi Alois Moisiri sapotim tok bilong Tom A. Atimai bilong Bulolo/Lae.

O yes, poroman mi bilong Dagua Woginara Namba tu, mi tok ol nes na dokta em ol i stap na yumi i stap. Sapos ol i no gat, bai yumi dai nabaut olsem animel bilong bus o pik.

Ating het bilong dispela ol boi i no klia yet. Nes, medikel, dokta i hat wok tru long yumi. No ken spoilim ol long rabis pasin bilong longlong.

So tenkyu.
Alois Moisiri,
Kimbe/ W.N.B.

INDEPENDENS KAGO NO KAMAP.

Dia Edita.- Long wari bilong mi olsem mi laik save long mining bilong dispela hap tok kibung. Bikos hia long hap bilong mi long Nakanai long Wes Nu Briten, ol i mekim dispela hap tok i olsem wanpela Asosiesen bilong ol.

Ol i no save wok na ol i -no save lotu no gat, ol i sindaun tasol na ol i tok bai God i salim kago samting bilong ol bai i kam long heven.

Long selebresen bilong independens de bilong yumi PNG, olgeta ples ol i save taim bilong yumi nau na yumi kirap na mekim wok bai kantri i go het.

Tasol long liklik ples bilong mi long Mai, mipela selebretim bai kago samting i kam, na mipela singsing, sing na i no gat samting i kamap long dispela tripela de. Olsem na mi askim. Em tasol.

Nik Mui,
Mai/Kimbe.



PIPEL I GAT RAIT LONG LUKLUK.

Dia Edita.- Long miting bilong Ambunti lokal gavman kaunsil sampela toktok belhat

i bin kamap long maus bilong sampela kaunsila na ol i bin toktok i go long kiap bilong Ambunti. Ol i bin toktok long ka bilong gavman i save karim kago bilong kampani.

Insait long dispela miting mista Anskar Karmel M.P. bilong Apa Sepik i bin kamap na i bin bekim tok olsem, em i no wok bilong kaunsila long toktok long dispela samting. Mista Karmel i bin tok tu olsem A.D.C. long Ambunti i bosim dispela hap na em i gat rait long yusim ka bilong gavman.

Dispela kain toktok bilong Mista Karmel i nogut tumas long yau bilong mi. Ol kaunsila na ol pipel i gat olgeta rait long askim olkain wok na lo bilong gavman.

Wok i go olsem tu, mi ken askim Mista Anskar em i gat wanem rait long stopim ol kaunsila long autim belhat bilong ol?

Long lukluk bilong mi yet long olkain toktok na belkros i go olsem ating ol lain olsem Mista Karmel o A.D.C. i gat wok bisnis wantaim dispela kampani,

Wanpela samting Mista Karmel i mas ting tu i go olsem ating em mas save nau i no olgeta man i stap long Ambunti i longlong long kain samting. I gat ai i stap rambaut long lukluk na was long raun bilong ol memba bilong Palimen o ol kiap na ofisa bilong gavman tu.

Ating bai i gutpela sapos mipela ken painim aut moa long ol kain raun, na wok olsem bilong ol wok man bilong gavman.

Mi laik salim tok amamas i go long ol memba kaunsila husat i bin opim maus long dispela toktok. Mipela laik tu olsem Kwomanambu Asosi-

TU MINIT TINGTING

SIN I KEN BAGARAPIM BODI

"Harim. Nau yu orait pinis. Yu no ken mekim sin moa. Nogut bai wanpela bikpela hevi moa yet i kamap long yu." (Jon 5: 14)

Planti taim long Nupela Testamen Jisas i oraitim sikmani o meri na em i tokim ol: "Yu go, na yu no mekim sin gen."

Planti ol tumbuna tu i gat dispela tingting long rong o sin i mekim nogut long bodi. Olsem ol i gat dispela pasin bilong autim olgeta rong long ai bilong ol man, na olsem sik bai slek.

Tude ol dokta i no bilip tumas long sin i ken mekim man i gat sik. Tasol long wanpela kain sik, ol dokta tu i bilip tru em i sin o rong i bagarapim bodi. Em dispela sik i save kamap long sem, em ol i kolim vidi o gonorea.



Wanpela taim mi stap long wanpela miting bilong toktok na soim olkain poto long sik vidi o gonorea. Helt dipatmen i givim na ol medikal ofisa na wanpela dokta tu i stap.

Ol i bin mekim planti kain tok long yu mas mekim wanem samting taim yu kisim vidi. Na i no gat wanpela i tok strong long lusim pasin bilong kisim vidi, ..em i bilong tambu long mekim nabaut sempasin na pamukpasin. Man o meri i mekim pasin marit insait long marit tasol, i no save kisim sik vidi. Nogut tru. Boi na meri i pilai nabaut, ol i save kisim. Tasol we stap dokta i givim strongpela tok long ol long no mekim olsem? Olsem wanem? Dokta i ken tambuim, yu long mekim sampela kain wok o pasin bilong pinisim sik o abrusim sik. Na bilong wanem em i no inap tambuim ol yangpela manmeri long mekim sempasin bilong pinisim sik vidi?

Harim! Sik vidi i save kamap bikos ol manmeri i sakim lo bilong bodi, God yet i bin putim insait long tingting bilong yumi. Olgeta samting olsem ka na masin i gat lo bilong en. Yu mas putim wara na wel na bensin insait long ka; yu mas putim win long taia. Sapos yu sakim dispela lo, bai ka bilong yu i bagarap. Man i wokim ka, em i wokim lo bilong em. God i wokim yumi na bodi bilong yumi na em i wokim lo bilong em. Wanpela lo bilong em em mandato namba sikis. Sapos yumi sakim, orait bodi tu i bagarap.

We stap wanpela pik o dok o pusi o bulmakau i save kisim sik vidi? Yumi manmeri tasol i ken kisim. Yumi tasol inap brukim lo bilong bodi. Sori.

esen i sapotim dispela baut. Toktok moa yet ol wantok!
Joseph Sukwianomb,
Kwomanambu Asosiesen
Ambunti.



Traim ai

Yu laikim dispela kain haus? Papa bilong haus em i bin raun nabaut long planti arapela kantri na em i bin kisim kain kain aidia bilong bilasim haus.

Narapela man i laik wokim haus i wankain tru long dispela, long wanem em i ting em i smat moa. Tasol ol Ramadan ol i bin wokim 12-pela samting i narakain liklik. Yu painim.

250 tasol laik sitisen

Gavman i wari nau bikos i no gat planti waitman na hapkas i laik kamap sitisen bilong PNG. Ol man i laik kamap sitisen i mas pinisim sitisensip bilong ol long Australia o narapela kantri bipo long 16 Novemba.

Insait long PNG i gat 3200 hapkas pipel na inap nau 40 tasol i bin askim long kamap sitisen. Nista Julius Chan, Minista Bilong Fainens i bin go pas long ol. Long 1971 inap nau 1000 hapkas i bin kisim orait long go sindaun long Australia.

Na long PNG i gat 35,000 waitman i stap. Long ol dispela, inap nau 134 tasol i bin askim long kamap sitisen. Mista Barry Holloway, Spika Bilong Palamen i go pas long ol. Gavman i tok samting olsem 17,500 bilong ol dispela waitman i bin stap moa olsem 8 yia insait long PNG pinis.

Wanpela samting i pretim ol waitman ya. Em hia: gavman i bin tokim ol, ol bai i no wankain o wanmak tru long ol lokal sitisen inap long 5-pela yia long pasin bilong holim graun, na inap 10 yia long pasin bilong bisnis. Olsem tasol na sam-pela waitman i wari.

CAVA-KALENDA 1976

National Catholic Calendar Papua New Guinea CAVA-STUDIO, Box 133 Phone: 72 1937, Goroka



Your eyes reflect your inward being. When your eyes are clear, your whole person is full of light. Be careful, that your light never becomes darkness. Luke 22: 34-35

TAIM BILONG KRISMAS

Januari Riding Gutnus Ol Santu na Pestode

SANDE
MANDE
TUNDE
TRINDE

1 FONDE Nam 6:22-27 Lu 2:16-21 M MARIA MAMA BLG GOD
Ga 4:4-7
2 FRAIDE 1 Jo 2:22-28 Jo 1:39-28 M Basil na Gregory, Odlio
3 SARERE 1 Jo 2:29-3:6 Jo 1:29-34 M Geneveve, Gordon, Angelica

Published by CAVA-Studio Goroka and printed by Wirui Press, Wewak, Papua New Guinea

The first National Calendar of the Catholic Church. Also an ideal Christmas gift and Souvenir from Papua New Guinea for your friends Overseas.

53 (12 Colour) original Life-Photos of P.N.G. (Size 28cm x 21cm)

Ideal

for Institutions, Schools, Sacristies, Catechists, Bible-readings and private use.

Features

Pidgin references for all daily readings, Saints' days etc.

Foto-language

Meditative text (in English) under each Photo, for every week a different impressive Photo.

Practical

2 perforations: for group and classroom work the Photos can be detached; for your liturgical books the "calendarium" may be used.

Order Form

Please, send to:

CAVA-STUDIO
P.O. Box 133,
Goroka, E.H.P.
Phone: 721937

Price: each **K 2.80** including Air Mail postage within Papua New Guinea

(Print)
Name _____
Address _____

	K	t
<input type="checkbox"/>	CAVA-KALENDA (K 2.80)	
A cheque	is	included
	is not	Total

Signature _____

Kapul pasim man

I no longtaim i go pinis wanpela man wantaim tupela papa bilong em i go lukautim ol kapul long bus.

Taim ol i go long bus wa pikinini bilong tupela i lukim tupela kapul i sindaun wantaim long wanpela diwai kaiaak. Nau pikinini ya singautim tupela: Ei, tupela papa, yutupela kam. Tupela kapul i stap. Yutupela kam na bai mi go kilim bilong yutupela.

Taim pikinini bilong tupela i laik go antap long diwai em tokim tupela yutupela mas klialong dispela ples em bai kapul i kalap. Na narapela i save na i go longwe na narapela ya nem bilong em Matina i save sakim tok na em sanap em i ting olsem em amatpela man. Matina ya em gritiman tu na em sakim tok yet na sanap.

Pikinini ya i go tasol utim tupela kapul wantaim na narapela idai na narapela i no dai tru. Na kalap stret i go long man ya sakim tok na em i holim paspek bilong em, na ai bilong kapul ya lukluk strong long ai bilong Matina. Na Matina pret long ai bilong kapul ya, na i no mekim nois, i no singaut. Na ol i lukaut-

im em na i go long ples. Na Matina ya sanap wantaim kapul long bus ya sanap 1½ day.

Kapul ya i dai long skin bilong Matina na ai bilong em stap olsem na Matina ting kapul i no dai olsem na em sanap i no mekim nois, i no singaut. Ol i go long ples lukautim em i no gat. Ol i go gen long bus na painim em sanap wantaim kapul.

Man ya Matina i hangre rogut tru na bel bilong em i go insait, tasol kapul tu holim em na em



pret long ai bilong kapul na i no nois.

Ol i go tasol pulim kapul long nek bilong em na baga ya tu pundaun long hap blut tu i no pilai long skin bilong em. Blut tu blakpela tru. Na ol i givim em wara na kaikai, smok. Na em kaikai na ol i go long ples kukim kapul na ol i kaikai na em i tok, bihain mi no inap i go lukautim ol kapul. Bai mi slip tasol long ples. Olsem na nau em i no go liklik long bus save slip tasol long

ples. Na em tu idai i no longtaim i go pinis.

Mis Merry Anne Banau, Tangu/Madang.

Ples balus mani

Long namba 7 de bilong mun i go pinis, Minista bilong Transpot na Sivil Eviesen, Mista Iambakey Okuk, i bin tokautim nem bilong ol 11-pela ples balus olgeta bai gavman i yusim mani long ol.

Kerema ples balus, K14,000; Kikori ples balus, K50,000; Baimuru

ples balus, K40,000; Tair ples balus, K10,000; Tep Tep ples balus long Madang Provins, K19,000; Wewak ples balus, K100,000; Bewani ples balus long Wes Sepik Provins, K25,000; na tu Oksapmin ples balus long Wes Sepik Provins; K12,000, Wapenamanda ples balus long Enga Provins; K110,000; Momote ples balus long Manus Provins, K30,000; na K15,000, long wokim Rabaul ples balus, i kamap bikpela na longpela liklik.

NARAKAIN EDUKESEN SENTA LONG PAPUA

Kiorata Viles Komyuniti Senta long Noten Provins, i skulim 60 sumatin long pasin bilong sindaun hepi long ples.

Senta ya i stap long as bilong Maun Lamington, klostu long Popondetta taun.

Hia ol yangpela pipel i lainim okkain samting ol i ken yusim long taim ol i stap long ples. Planti bilong ol sumatin i amamas tru long nupela kos.

Sampela aua, ol i save skul long buk bilong Komyuniti Sekendari Edukesen. Bihain ol man i save lainim ol wok kanda na mekenik, na ol meri i save lain long samapim klos na wokim sop.

Planti taim ol man na meri i save lainim ol nupela pasin bilong wok egrikalsa na ol pasin bilong tumbuna.

Bihain em i pinisim 3-pela yia kos klostu olgeta studen long senta hia i laik go bek helpim sindaun bilong ol pipel long ples.

Pastaim ol i bin wok-

im klasrum bilong ol yet, ol desk, ol tebol na sia. Na ol arapela samting ol i wokim, ol i save salim long taun na kisim mani bilong baim ol buk, tul na ol

arapela samting bilong wok.

Mani em ol studen ye i bin kisim long e wantaim mani bilong helpim i kamap olse K1,299.00 olgeta.



* Poto antap yumi lukim ol sumatin i lukluk long kundu bilong tumbuna stret. Man i holim kundu em Mista Kaisa bilong dispela skul yet. Ating 3-pela wantaim i amamas long lukim ol samting ol yet i wokim long han bilong ol yet.

* Poto daunbilo hia yumi lukim em Mista Jesophat Kaisa i wok long putim siot em ol meri yet i bin samapim long han.

NUPELA WARA PAWA

Nau ol i gat wanpela nupela aidia bilong wokim lektrik pawa long wara i save pundaun long Wara Strickland long Westen Provins. Dispela ples em i klostu long Oksapmin.

Sapos em i kamap gut, bai ol inap gat pawa bilong ranim ol wok kopa long Ok Tedi na Frieda Riva na Tifalmin.

Tasol long dispela hap i gat bikpela ol maunten na i no gat planti man i stap.

Dispela pawa stesin inap long helpim Enga na Westen na Saten Hailans na Wes Sepik Provins wantaim.

Sapos wok kopa i go het, pastaim ol i ken kisim lektrik pawa long Ramu yet.

TOKSAVE KAM LONG PNG BENG

Bai wanem samting kamap



long 31 Desember ?

BILISO

Bai dola bilong
Australia



BILISO

lusim strong insait



long Papua Niugini

BILISO

Em i min yu no ken
yusim long Papua Niugini




BILISO

Kau yu ken yusim
dola wantaim Kina




BILISO

Bihain long Desember 31
Kina tasol bai gat strong




BILISO

Mani bilong Australia
bai lusim strong bihain
long Desember 31 ? Yes..



BILISO

Em i min ol stuakipa i no
mas kisim dola sapos ol i
no laik.




BILISO

Ol i mas kisim Kina
tasol.



BILISO



Bilong wanem planti pikinini long bus i bun nating? Sampela nes i wok long dispela hap i bin tok olsem:

(1) Long planti ples, taim meri i gat bel, em i tambu long kaikai abus. Mama i no strong na olsem pikinini tu i no ken kamap strong.

(2) Arapela lo bilong ol tumbuna i tambuim mama long givim strongpela kaikai olsem abus na kiau na banana long bebi inap em i gat tit.

(3) Long sampela ples mama i save givim susu long pikinini long moningtaim; bihain em i go long gaden na larim bebi i stap long ples. Bel bilong pikinini i liklik tumas, em i krai i krai. Bihain em i no gat strong inap long pulim susu, na em i les tu long pulim.

Olsem tasol han lek bilong em i stik nating na kru bilong het tu i kamap longlong.



SEPIK NIUS

Namba 129 Trinde, 12 Novemba, 1975

AITAPE TROMOIM LEK




I no longtaim i go pinis, 12-pela skul long ap bilong Aitape long Wes Sepik Provins, i bin ekim wanpela kain so o pilai ol i kolim Kalsaal So. Long so ol sumatin i bin soim papamama ilong ol kain kain kaving, na planti ol arapela amting bilong ol tumbuna bilong yumi stret, em l sumatin yet i bin wokim long han bilong ol.

I bin i gat 3-pela hap long dispela so. 1 Art a kraf samting ol i wokim long han. 2 Tumbuna ingsing. 3 Pilai drama i makim ol kain kain tori bilong tumbuna yet. Tripela skul tasol i amap nambawan tru long so. Em ol hia: Warapu 40 oin; Sen Michaels Sissano 39 poin, na Raintapot 8 poin. Open memba bilong ol Mista Brere Awol, i ivim prais. Tripela arapela skul tu i bin win.

* Tupela poto hia i stap long antap na wanpela i stap daunbilo long lephan kona tru, i soim ol sumatin bilong ol sampela long ol 12-pela skul long dispela so, i mekim singsing bilong tumbuna.



* Dispela tupela man i stap long poto antap i kam long Pagwi Patrol Pos. Tupela i holim wanpela pikinini pukpuk i stap long Pukpuk Fam long Marui Stesin. Nau dispela fam ya i gat planti ol papa, mama, na ol liklik pikinini pukpuk long en.



PAS I KAM LONG SEPIK

RAUN NATING LONG TAUN

Dia Edita.- Planti taimmi save lukim planti man na meri i save raun nating long Wewak taun.

Plis dispela i no stret liklik. Long yupela ol man na meri i save mekim dispela kain pasin i mas ting gut long wanem nau em i taim bilong mipela yet long sanap na ranim kantri bilong yumi.

Yupela i mas ting gut, gutpela pipel yupela i mas i stap long ples na wokim bisnis bai yupela i painim mani. Mani i no i stap long taun tasol? Nogat. Mani i stap long ples tu, sapos yu wok hat bai yu inap long painim mani. Na tu sapos yu husat wantok na pren bilong yu i gat wok long taun, yu ken i kam na stap tupela de bihain yu ken go bek long ples we yu kam long en bipo. Tasol i no gutpela long ol man na meri ol i save i kam na raun nating long taun.

Yupela i mas save gut pastaim yupela i no ken mekim rabisim wantok o bratasusa o kandere bilong yu long liklik mani em i kisim long fotnait. Yupela i ting ating em i kisim bikpela mani? Laka, em i tru sampela ol i kisim liklik. Na ol wantok yupela i mas ting gut long dispela liklik toktok na putim long het bilong yupela. Tarangu dispela wantok bilong em i kisim mani long fotnait tasol dispela mani i no i stap long han bilong em. Nogat. Em i tromoi long baim ol rabis, lait, haus, inkam takis na tu em i baim skul bilong pikinini bilong

em na ol klos bilong famili bilong em na baim kaikai tu. Em tasol liklik wari bilong mi.

Francis Misiang,
Wewak-But Kaunsil.

MERI PAIRAP

Dia Edita.- Nau mi laik bekim pas bilong tupela jelesi man ya em long Mista Remi Miamba bilong Wewak na Joe K. Notern bilong Arawa.

Yes, tupela wantok, yupela i bin tok bilas long we mipela ol meri bilong PNG i save bilas, a?Yupela i save go skul liklik long laip bilong yupela o nogat? Sapos yupela i no go long skul, ok, orait mi mas kolim yutupela tumbuna bilong Papua Niugini.

Nating ol waitpela meri i bilas olsem, na yutupela i save wari moa yet long ol. Na long yumi ol Papua Niugini meri i dres ap olsem, yutupela i laik indai laka?

Plis yutupela no ken belhat nating, bikos nau em i nau. I no olsem taim bilong bipo bilong ol tumbuna ston het.

Na tu olsem mani i tok na yumi baim ol dispela samting. Yutupela man ya, yupela i no givim mani bilong yutupela long mipela ol meri, na mipela i baim haihil su, pen bilong penim maus, han na longpela trausis.

Mi tu save putim long trausis tasol papa na mama bilong mi ol i no save kros long mi. Sori, i mobeta yutupela i no ken marit na karim pikinini meri.

Alexia Soly,
Wirui.

PASIM BEL.

Dia Edita.- Mi gat bikpela wari na dispela wari bilong mi i go olsem. Mi lukim long haus sik ol dokta boi na ol nes long haus sik, ol i save givim wanpela marasin na dispela marasin i bilong meri i no ken karim pikinini. Ol yangpela meri bilong haikul bilong viles, na ol marit meri ol i save go na kisim dispela marasin.

Nating em i stret, o nogat? Long pilim bilong mi, mi ting em i no stret.

Sapos em i laik bilong gavman, o nogat. Gavman yet i mas painim dispela.

Gregor,
C.M./Maprik.

DRING EM I SAMTING NOGUT.

Dia Edita.- Nau mi laik skurim sampela moa wari long dring. Mi bin ritim pas bilong brata Gregor Mile, em i bin autim wari bilong em long dring.

Yes, long pas bilong em, i tok dring em i pasin nogut, na tu i no dring bilong tumbuna bilong PNG man. Nogat. Em i samting bilong narapela pipel na kantri i bin bringim i kam insait long dispela kantri.

Dring em i no gutpela samting. Long tingting bilong mi i go olsem, dring i no save givim gutpela sindaun long famili laip bilong yumi. Dring i westim mani insait long famili. Draiva draivim ka kran-ki nambaut long rot. I no gat gutpela tingting

bilong kontrolim ka, na ka i brukim bus kapsa man kisim bagarap i dai pinis.

Hangre i kamap lon meri pikinini. No ga mani bilong baim gutpela kaikai long help: gut famili. Pikinini krai nogut long hangre Mama i wari long pikinini. Kros na pait kamap namel long famili. Bilong wanem dispela i save kamap lon famili laip? Bikos pap i spenim moa kina pini long dring insait lon hotel. Nau yu ken luki ol kain trabel olsem save kamap long dring.

Orait nau wari bilong mi i go long yu husa loman na wokman bilong PNG olsem ofisa, n plisman. Yu yet i sav dring na spak nambau paitim arapela manmer pikinini bilong yu tasol yet. Taim yu luki arapela man i pait y plisman i go tasol tok im dispela man: Kaman yu go long rum gat. Tu mora yu lukim kiap.

Sapos yu man yu i g save brukim lo bilong gavman, em i stret lon yu ken stretim arapela man. Na sapos yu wan kain man na i save brukim lo long dring mobeta yu plisman na man nating yutupela: mas go long rum gat na long kot wantaim. Bikos sem pasin tasol yu mekim na em tu i mekim. I no ken kalabusim arapela man tasol.

Wok bilong yu lomai bilong kantri i bilong stretim mi man nating. So yu husat plisman na loman bilong gavman na yu i gat pasin olsem, traim na yu lusim liklik botol bia long har bilong yu pastaim. Akaio Kaniha,
C.B.C./Anguganak/W.S.P.

Otto go long Rom

Katekis i makim Is Sepik Provins, Mista Otto Kovingre, wantaim 8-pela arapela man bilong Papua Niugini na 500 man bilong ol arapela kantri i bin i go lukim pestode bilong Arnold Janssen long Rom.

Mista Kovingre i bin amamas tru long wanem em i namba wan taim tru bilong em long lukim bikpela ples o siti olsem Rom.

Em i tok, em i bin kirap nogut tru long sampela samting em i no bin lukim bipo. Em hia ol samting Otto i bin lukim long raun bilong em.

Bikpela haus lotu bilong Santu Pita, ples we ol laien i bin kilim ol kristen, ol rum aninit long haus lotu na matmat bilong ol Papa Santu em ol i bin dai bipo.

Otto i bin lukim ol ka i ran long wanpela stretpela lain. Ol ka ya i save spit moa tasol nogat wanpela bilong ol i brukim lo bilong rot.

Em i bin amamas tru long wanem ol man bilong Rom i bin soim em

ol kain kain samting na lukautim em gut tru long ol arapela samting.

Taim em i lukim ol dispela samting, em i tingting bek long ol wok bilong ol misinari insait long PNG. Em i pilim olsem ol misinari inap long i stap amamas moa sapos ol i stap long ples bilong ol yet. Ol i mekim bikpela hatwok tru long bringim gutpela sindaun bilong yumi long PNG.

Ol i no pret long indai. Yumi mas tingting long dispela gutpela wok bilong ol na soim olsem yumi olgeta i wanbel na wanmak tasol.

Taim em i laik kam long PNG, Papa Santu Paul, i bin givim em wanpela teprikoda, medal na setifiket, i gat ol toktok em ol i bin raitim long tok Itali.

Setifiket hia i soim olsem Otto i bin mekim gutpela wok tru wantaim ol Misin inap long planti yia moa i go pinis.

Bipo em i bin kisim wanpela wankain medal olsem long Papa Santu, em Papa Santu yet i bin salim i kam long Rom long Otto Kovingre.



* Mis Boio Igo i kisim 2-pela tiket long han bilong Mista Cole Paisawa bilong Air Niugini.

Mis Independens kisim fri tiket

Long 4 Novemba, Hetman bilong Air Niugini long Wewak, Mista Cole Paisawa, i bin givim 2-pela fri tiket bilong balus long Mis Boio Igo bilong Samarai.

Ol tiket ya i olsem presen bilong em, long wanem, em i bin winim resis bilong Mis Independens long Wewak. Mis Igo i bin makim Rotari Klap long dispela resis.

Long mun Julai ol lain klap hia i bin helpim long kamapim mani bilong Independens De Selebrensen Komiti: Rotari Klap, Laiens Klap, Ragbi Lig Asosiesen, Netbal Asosiesen na Plis Asosiesen.

Sapos wanpela bilong ol 5-pela klap hia i kamapim planti mani moa, Mis Independens bilong dispela klap bai i mas win.

Rotari Klap yet i bin kamapim Kl,295.00 olgeta long hatwok bilong ol, na i kamap namba wan long dispela resis.

Presiden bilong Rotari Klap, Mista Charles Betteridge, i bin tok, dispela mani i bin kamap long hatwok bilong Mis Igo na olgeta arapela memba bilong dispela klap yet.

Mista Betteridge bai i salim ripot bilong Mis Igo i go long biktaun ol i kolim Chicago insait long Amerika. Chicago em i hetkota bilong Rotari Klap, na i gat 119 kantri i stap aninit long en.

Kros long haiskul

Tisa bilong Aitape i go het gut.

Haiskul, Mista Keui Raka, i bin tok save long ol papamama na tok olsem Lumi Haiskul bai i no inap long kisim ol Fom i studen long yia 1976.

Em i bin tok tu olsem, ol papamama i mas tok tok gut na askim Edukesen Dipatmen long salim planti tisa i go long Wes Sepik long mekim ol

i go het gut. Na Mista Raka i bin tok tu olsem em i no stret long Port Moresby i gat 11-pela haiskul na Wes Sepik i gat 3-pela tasol.

Long dispela tasol bai ol i mas straik na tu salim pas i go long niuspepa na askim ol memba bilong Haus ov Asembli long holim wanpela miting.



* Poto i soim Mista Otto Kovingre i sanap klostu long ka. Sapos yu lukluk gut, bai yu lukim medal i hangamap i stap long siot bilong em, na tu antap long ka em teprikoda na setifiket bilong em.

Is Sepik Spots Kaunsil go het

I no longtaim i go pinis, Dairekta bilong spot long Nesenel Ofis long Port Moresby, Mista Les Mills, i bin i kam i stap insait long wanpela miting bilong ol memba bilong Is Sepik Spots Kaunsil long Wewak.

Long dispela miting, ol i bin toktok long planti long ol we bilong kirapim ol spot, na spot graun, insait long Is Sepik Provins. Wanpela man i makim soka asosiesen long Wewak, Mista Alois Samagon, i bin givim wanpela pas i askim Mista Mills, long holim wanpela kain skul bilong referi na trena long provins bilong yumi.


Les Mills i bin tokim dispela kaunsil olsem, em i bin amamas tru long ol wok bilong en hia. Em i tok Nesenel Spots Ofis bai i givim olgeta help em i ken long ol spot long dispela provins.

I kam inap nau, Is Sepik Spots Kaunsil i bin kisim pinis samting olsem K1,000 i kam long Nesenel Spots Ofis, long helpim ol spot long hia.

Na tu, ol i bin kisim ol sampela samting bilong pilai tu. Em ol hia: 6-pela soka bal, 3-pela ragbi bal, 8-pela sofbal, wanpela kriket bet, 7-pela volibal, 2-pela kriket bal, na 3-pela gumi, na ol skin, na ol rop, bilong ragbi bal.

Nau ol memba bilong Is Sepik Spots Kaunsil i wet tasol long kisim gen narapela K1,500 i kam long bikpela ofis bilong olkain pilai long Port Moresby, long mekim spots i go het gut hia.

Is Sepik Spots Kaunsil i amamas tru long kisim dispela bikpela helpim tru i kam long het ofis.



* Poto antap i soim hul ol ami i bin pairapim wanpela bikpela bom long Wewak klostu long kanti klap, long 29 de bilong las mun. Pastaim tru sampela pipel long saksak kompaun long Wirui ol i laik klinim ples bilong wokim toilet na ol i painim em. Bihain ol i go tokim ol ami na ol i kam lukluk gut long em. Ol ami i bin lainim 8,000 bek wesani arere long dispela bom. Tupela saveman i bin apim bom ya na putim em long wilbara na ol i go pairapim em. No gat wanpela bikpela bagarap i bin kamap. Wanpela rot kruse tasol long Wirui haus lotu i bin pundaun na i bruk. Em tasol.

Long moning bilong dispela de stat long 8 klok i go inap long 12 klok, i no gat wanpela wokman na wokmeri long Wirui, Sepik Timba, na ol ples klostu long Wirui i bin wok. Olgeta i ranawe.

AERIAL TOURS
Mipela i gat 3-pela balus i wetim ol pasindia bilong Is na Woa Sepik Distrik.
Mipela i save list i go long ol dispela ples:
Alupua, Jiruwai, Kumbung, Wewak, Waukeke, Koro, Bevan, Haka, Haka, Haka, Haka, Haka.
AERIAL TOURS, AERIAL TOURS; Wewak
Vanimo - 87 1011


MI HANGRE

* Yu lukim dispela poto daunbilo na bel bilong yu i ken malumalu tru long lukim ai bilong dispela liklik bun nating bebi. Ai bilong em i askim susa: "Plis, yu ken givim kaikai long mi? Mi hangre nogut."

Ol dispela poto WANTOK niuspepa i bin kisim insait long bus bilong Wes Sepik Provins long hap bilong Lumi na Nuku. Tasol yu no ken ting dispela em i rabis ples. Nogat tru. I gat planti kaikai. Tasol sampela lo na pasin bilong bipo i strong yet long ol mama. Olsem tasol na ol nes na sista i wari long givim nupela tingting long ol.



I STRONG, ISI LONG YUSIM NA I KOS LIKLIK



Hardiflex em i olgeta dispela samting, na i luk gut tu. Long wanem Hardiflex faibro i bikpela tru na i karamapim planti spes kwiktam. Ol smatpela kamda i yusim Hardiflex. Yu tu yu mas smat na yusim.

Tilux em i gutpela samting bilong rum waswas. I strong na isi long joinim. Yu no gat wari long klinim. Na i gat planti kala na stail bilong en. Olgeta ol i luk gut tru, na i nais tru long bilasim haus.

Versilux em i samting tru bilong ol banis insait long haus. Em i strong na isi long yusim. I no ken paia o sting o krun-gut; i bilong stap longtaim tru. Sapos wara i wasim, maski bai em i drai gen kwiktam na i nupela gen. Olsem tasol Versilux i faibro tru bilong olgeta hap bilong haus: rum malolo, rum waswas, haus kuk, na toilet tu.

Ol dispela kain faibro yu ken baim long: BURNS PHILP na BOWMANS

Hardie's
BUILDING PRODUCTS

Nupela dairekta

I no longtaim i go pinis, Mista Frank Igo i bin kamap Dairekta bilong Bureau ov Industrial Oganaisesen.

Mista Igo i gat 26 krismas na em i bilong ples Elevala long hap bilong Port Moresby.

Em i marit na i gat 2-pela pikinini man. Meri bilong em tu i bilong Elevala viles.

Pastaim Mista Igo i bin go skul long De La Salle Koles long Bomana na bihain em i bin go long Sogeri Haiskul.

Long pinis bilong yia 1966, Mista Igo i bin pinisim Fom 4 bilong em. Long yia 1967 em i bin go skul long Yunivesiti bilong PNG na stadi i go inap long 1972. Tasol long yia 1972 em i bin stadi inap long 6-pela mun tasol.

Tasol em i tok bihain bai em i mas go bek gen long Yunivesiti na pinisim kos bilong em long lo.

Wok bilong Mista Igo em long helpim na stretim ol memba bilong yun-ion long olkain wari na trabel i save kamap.

Bikpela dinau

Long yia i go pinis, mak bilong dinau mani em Papua Niugini Development Beng i bin painim inap olsem K10.2 milion olgeta.

Namel long yia 1974 na 1975 dinau mani long PNG i bin go antap 75 pesen na em i olsem K5.75 milion.

Na tu dinau mani bilong ol ka na trak i bin go antap moa long 240 pesen.

Mista Julius Chan, Minista bilong Fainens, i bin givim wanpela ripot na tok olsem ol samting bilong tret stua menesmen i go gut long dis yia. Ol i mas mekim wan-kain long arapela hap.

Ol bikpela man i tok

MINISTA BILONG HELT Mista Donatus Mola:

Long Oktoba 17 ripot
tok i gat 620 pipel i
bin dai long sik influ-
ensa. Bikpela namba i
bilong Isten Hailans.

Tasol yumi no ken ting
ol dispela i bin dai
long sik influenza ta-
sol; nogat. Planti ara-
kain liklik sik i bin
bung wantaim influensa
na i kilim ol pipel. Em
i pasin bilong dispela
samting, long putim hevi
long wanpela sik tasol.
Em i no stret.

Helt dipatmen i bin
mekim 140 patrol long
helpim stretim dispela
sik; na 300 pipel bilong
helt dipatmen i wok long
dispela tasol.

MINISTA BILONG DIFENS Sir Madri Kiki:

Oposisen Pati i no
save skekim gut toktok

bilong en. Em i tokim
wok long tripela maus.
Wanpela i tok: ol takis
i antap tumas. Narapela
i tok: yumi mas spendim
moa mani. Namba tri i
tok: yumi mas sanap
long lek bilong yumi.

Yumi no ken bihainim
tripela rot wantaim. Ol
oposisen i ken tingting
pastaim na i no ken mek-
im longlong tok olsem.

PRAIM MINISTA Mista Michael Somare:

Ol pipel i mas save
gut long dispela sam-
ting: PNG em i no kan-
tri i gat planti mani
nau. Ating wanpela de
bai mipela i gat.

Olsem yumi mas lukaut
yumi no spendim mani
nating. Yumi no ken
hambak. Sapos yumi din-
au tumas, bai yumi no-
gutim nem bilong kantri
na ol arapela kantri i
no laik helpim mipela.

LIDA BILONG OPOSISEN Mista Tei Abal:

Long tingting bilong
mi, PNG i mas gat tu o
tripela politikal pati
tasol. Nogut yumi bruk
bruk long planti liklik
pati.

Yupela memba bilong
Palamen, yupela i no mas
wok long kisim biknem
tasol long histori. No-
gat. Namba wan wok bi-
long yupela, em i bilong
helpim ol man i bin
ilektim yupela. Yupela
i no ken tingting long
poket bilong yupela ta-
sol; nogat. Yupela i mas
ting long helpim kantri
long tok na pasin na wok

PLES I BILONG YUMI (Walter Darius)

Yumi no hapkas,
Yumi no waitman,
Yumi blakskin tru.
Sapos yumi go long Australia,
Ol waitman i no save long yumi.
Sapos yumi go long Englan,
Kwin tu i no save long yumi.
Ples hia yumi stap long en
I ples bilong yumi tru.
Ol waitman asde tasol ol i kamap,
Ol kain senis long pasin asde tasol i kamap.
Tumbuna i kam,
Tumbuna i dai,
Tasol ples bilong yumi i stap yet,
Na skin na pasin bilong yumi i stap yet.
No ken larim ol waitman i bosim ples,
No ken larim ol waitman i senisim skin
No ken larim ol i holim ples bilong yumi.
Yumi yet i mas bos long ples bilong yumi.



KAIKAI BILONG STRONGIM

olgeta pikinini i gat hangre
olgeta wokman i gat hangre

I gat 35% protin.

Wanpela peket em inap long 3 pipel
Ken kukim insait long 3 minit

I gat 5-pela swit - olsem mit
bilong pik, kakaruk, bulmakau

Pasin bilong kukim:

Boilim wan kap wara
Brukim nudel na kapsaitim long wara
Boilim inap 3 minit tasol
Abusim wantaim liklik peket swit
Em tasol...kaikai i redi pinis

Kostim 26 toea tasol, long : Bi Pi
Tang Mow
Garamut



MI LES LONG KUKIM KAIKAI,
MI WOKMERI, MI YUSIM TOP RAMEN

Ol Salamaua gat bikpela kros

Ol Salamaua pipel i gat bikpela wari tru long wanem, i no gat wanpela kain bisnis i stap long hap bilong ol bai i ken developim hap bilong ol i go het gut.

Ol i tok olsem, yumi kisim independens pinis tasol i no gat wanpela timba projek i kamap

long dispela hap. Ol i gat gutpela ples inap tru long kirapim timba bisnis, tasol i no gat wanpela kampani long kirapim pastaim.

Wanpela samting moa, ol pipel i gat laik tru long statim bisnis bilong lukautim bulmakau na planim kopi.

Moa wilwil

Hetman o man i go pas long Malaguna Teknikal Koles long Rabaul, Mista A.S. Fielding, i no longtaim i go pinis i bin tok olsem, dispela koles bilong ol i bin wokim pinis inap long 50 nupela wilwil olgeta.

Man husat i go pas long lainim ol sumatin

long we bilong wokim o wilwil o baisikel hia em Mista Ron Percival.

Ol sumatin yet i savi bungim ol kain kain spea pat long wokim ol.

Nau ol i gat wanpela woksap bilong wokim ol wilwil bilong ol stret.

Taim ol sumatin i wokim ol wilwil ya pinis, ol yet i save testim ol long ronim.



“Coke em i samting tru”



N.G.I. INDUSTRIES LAE, AUTHORISED BOTTLERS OF COCA-COLA AND FANTA.

15.5598



**WANPELA KAIKAI
INAP
LONG OL MAN**

-maski mit



Dispela KRAFT sis ya, olgeta pikinini na bikpela manmeri tu i laikim tru. Em i swit moa long ol.

Dispela KRAFT sis i wankain olsem mit. Tasol em i no dia tumas. Yu ken tanim KRAFT sis i go insait long olkain kaikai na em bai kamap gut tru.

KRAFT sis yu ken baim long olkain bikpela o liklik karamap, long laik bilong yu yet.

KRAFT i min nambawan kaikai

4231

Redim nau long selebresen



Ol sumatin bilong Agenahambo Praimeri Skul ong hap bilong Popondetta, i ting ol pasin bilong tumbuna long hap bilong ol i no mas lus.

Asisten Hetmasta bilong Agenahambo, Mista David ouen, i tok em i bin amamas tru long lukim ol ain sumatin ya i wok bung wantaim long mekim ol asin bilong tumbuna i go het moa. Em i bin tok tu lsem ol sumatin ya i bin yusim planti taim bilong ol long lainim olkain pasin bilong tumbuna ong skul.

Adalt Edukesen Ofisa, Mista Wesley Embahe, i in tok moa long 35 skul bai i stap insait long esis bilong singsing tumbuna long Noten Provins. esis ya bai i stap inap long 6-pela wik olgeta.

ASKIM LONG NAMBawan TIN MIT GLOBE NA GREAT WORLD



TOYOTA TRAK

OL DISPELA I NAMBawan TRU



TOYOTA

EIA
MOTORS LIMITED

Burns
Philp
GROUP OF COMPANIES

KING FEATURES SYNDICATE

Smat moa...
Sapos dispela bek i laion, bai em i pinis.
Sampela taim mipela mas tromoim moa ston

Bihain mipela i pulim laion i go long rot, na olgeta ol i ting Joe i kilim em

Yupela i klewa moa

'Na ol katres na spia bilong wanem ol i pundaun nating?
Mi no ken tokim yu.

FALK & BARRY 1/5

BILONG WANEM OL KATRES, NA SPIA I PUNDAUN NATING OLSEM WAR?!

Mi no ken tok...
Mi wampela mi save...

FALK & BARRY 1/5

Yupela i bagarapim olgeta bisnis long bus, ol man i hangre, na ol i pret

Sapos yu i no tok, i mi tupela wantaim go daun...

FALK & BARRY 1/6

NA OLSEM WANEM EM I KILIM LAION

Mi soim yu olsem wanem bikipela krai i kamap

TASOL BILONG MEKIM SPIA NA KATRES I NO GO INSAIT LONG KLOS LET, EM I NO TRIK NATING, Nogat.

FALK & BARRY 1/6

Em tok hait bilong mi...
Na yu wampela tasol inap tarim, Fantom

TOMORROW: UNCLE RUDDOLPH'S STORY

Yu askim tok hait long klos bilong Joe. Em yet i no save. Nau mi tokim yu nambawan taim

Papa bilong mi em i man i wok wantaim let. Bikos mi smolpela, em i givim ol wok nogut long mi.

FALK & BARRY 1/9

Wampela de mi spoilim marasin bilong strongim let...

FALK & BARRY 1/9

Bihain em i strong tru; papa i no inap katim...

Edukesen bikman pinistaim

Wanpela bikpela man ilong edukesen dipaten, Mista Tau Boga, i in pinistaim o ritaia ong dispela dipatmen ong mun i go pinis.

Tau Boga i kam long apa Kapa viles, long entral Provins. Em i at 49 yia, na em i ma-it na i gat 6-pela pi-inini olgeta. Em i bin stap Komisina bilong ising Sevis inap long upela yia.

Pastaim em i bin go oinim edukesen dipaten long 1949 na i bin rok olsem tisa, inspekta, na provinsal suprintenden bilong ol skul, long sampela provins.

Long 1972, dipatmen i makim em suprintenden

operesen long edukesen sevis, olsem man bilong lukautim olgeta samting bilong dipatmen hia.

Bihain long dispela, em i bin wok inap long tupela mun tasol, na ol i makim em olsem Ekting Aisten Dairekta long Edukesen Dipatmen yet.

Mista Boga i bin makim tu PNG, insait long ol sampela intenesenel edukesen konpres o kibung long Australia, Amerika, na Malaysia.

Pasim telipon

Long pinis bilong mun i go pinis, Minista bilong Pos na Telegrap, Mista Kaibelt Diria, i bin tokaut olsem ol pi-

pel i gat telipon, long olgeta hap bilong PNG, i gat 3 milien kina dinau yet long dipatmen bilong em.

Mista Diria i tok olsem, sapos ol pipel i no stretim dispela dinau bilong ol hariap, bambai dipatmen bilong em i mekim sampela samting nau long bringim ol i go long kot.

Saina helpim PNG

Dairekta bilong Edukesen, Mista Alkan Tololo, i laik givim nau bikpela tok tenkyu bilong em i go long ol memba bilong Saina Asosiesen long PNG, long 100,800 rula, ol i bin givim long ol skul long kantri bilong yumi. Ol rula i grinpela plastik.

BAIM WANTOK

Sapos yu wanpela yu laik kisim WANTOK i kam long yu stret, orait yu salim dispela tiket i kam:

Mi laik kisim WANTOK niuspepa inap wan yia olgeta. Nau mi salim K5 (\$5.00) i kam;

Nem:

Adres:

Salim i kam long:


WANTOK - P.O. BOX 396 - WEWAK



EM HIA WANPELA NUPELA TESTAMEN LONG TOK INGLIS, EM OLGETA MAN I WINIM STANDET I INAP LONG RITIM.. Em i kostim 75t. tasol.



WEWAK CHRISTIAN BOOKSHOP
Box 169, Wewak
MT. HAGEN CHRISTIAN BOOKSHOP
Box 78, Mt. Hagen



AFFILIATED WITH LIFELINE INTERNATIONAL

LIFELINE PORT MORESBY

HELP IS AS CLOSE AS A TELEPHONE


Lifeline Port Moresby offers a confidential telephone counselling service -

Family or personal problems:	Anxiety	Pregnancy	Marital
	Stress	Personal relationships	Suicidal
	Alcohol	Social isolation	Legal

SHARE YOUR PROBLEM WITH A TRAINED TELEPHONE COUNSELLOR

Phone: 25.7711 - Daily between 4 p.m. and midnight
Also 10:30 to 1:30 p.m., Monday - Friday

Somare long Englan



Long lephan yumi lukim Praim Minista i sanapi liklik plak bilong PN i go sanap long ol ara pela plak bilong ol kantri i stap insait lon komonwelt. Em i min: na yumi insait tu.

Man i lukim em, e Mista Sonny Ramphal het kuskus bilong Komonwelt.

Taim Mista Somare stap long Englan em bin toktok wantaim Mista Wilson, Praim Minista bilong ol...na wantaim Mista James Callaghan Seketeri bilong Stet.

Em i kaikaitu wantaim Kwin Elisabeth.

Bipo em i lukim Yunaitet Nesens.

* Poto i soim Praim Minista, Michael Somare, i kisim namba wan taim ples long Yunaitet Nesens, em long 10 Oktoba. Paslain yumi lukim Philip Bouraga, Paulias Matane; bihain em i Rabbie Namaliu.

